



REPUBLIKA E SHQIPËRISË
PROKURORIA PRANË GJYKATËS SË SHKALLËS SË PARË TË JURIDIKSIONIT
TË PËRGJITHSHËM DIBËR

UDHËZIM I PËRGJITHSHËM

Nr. 27, datë 25.02.2025

**PËR MASAT ADMINISTRATIVE DHE PROCEDURALE NË PROKURORINË
PRANË GJYKATËS SË SHKALLËS SË PARË TË JURIDIKSIONIT TË
PËRGJITHSHËM DIBËR NË PERIUdhËN PARA DHE PAS ZGJEDHJEVE¹**

Unë **Abaz MUÇA**, Drejtues i Prokurorisë pranë Gjykatës së Shkallës së Parë të Juridiksionit të Përgjithshëm Dibër, në mbështetje të neneve 42, shkronjave “a”, “e”, “f”, “g” dhe “gj”, 43, shkronjave “c”, “dh” dhe “e”, 46, pikave 1, 2 dhe 4, 48 dhe 52, pikave 1 dhe 3, të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar, nenit 4 të Rregullores për organizimin dhe funksionimin e Prokurorisë pranë Gjykatës së Shkallës së Parë të Juridiksionit të Përgjithshëm Dibër², neneve 24, 25, 74, 103, 279 e vijues të Kodit të Procedurës Penale, nenit 167, pikës 1 e vijues të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar, në kuadër të zbatimit të angazhimeve sipas Marrëveshjes së Bashkëpunimit ndërmjet Prokurorisë së Përgjithshme (PP) dhe Drejtorisë së Përgjithshme të Policisë së Shtetit (DPPSH) “Për marrjen e masave efektive kundër krimeve zgjedhore”, si dhe me qëllim lehtësimin e zbatimit të udhëzimit të përgjithshëm të Prokurorit të Përgjithshëm nr.2, datë 18.02.2025 “Mbi masat administrative dhe procedurale në prokuroritë me juridiksion të përgjithshëm në periudhën para dhe pas zgjedhjeve”³,

UDHËZ O J:

**KREU I
DISPOZITA TË PËRGJITHSHME**

**Neni 1
Qëllimi**

Ky udhëzim i përgjithshëm ka për qëllim unifikimin e masave në Prokurorinë pranë Gjykatës së Shkallës së Parë të Juridiksionit të Përgjithshëm Dibër, për rritjen e efektivitetit të hetimeve

¹ Shih nenin 2, pikën 23, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

² Miratuar me urdhërin nr.37, datë 25.03.2024, të Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Dibër.

³ Shih nenin 46, pikën 4, të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

dhe ushtrimit të ndjekjes penale ndaj autorëve të veprave penale që prekin zgjedhjet e lira dhe sistemin demokratik të zgjedhjeve, si dhe të veprave penale të tjera që dëmtojnë procesin zgjedhor, në periudhën para dhe pas zgjedhore, për parandalimin e përgjithshëm të veprimtarisë kriminale në këtë fushë, si dhe për verifikimin e integritetit të personave/kandidatë për t'u zgjedhur.

Neni 2 Objekti

Ky udhëzim i përgjithshëm përcakton masa të unifikuara për:

- a) organizimin dhe funksionimin e seksioneve të posaçme kundër krimit zgjedhor, si dhe kriteret e përzgjedhjes së prokurorëve dhe oficerëve të policisë gjyqësore në përbërje të tyre;
- b) organizimin e gadishmërisë së përforcuar në Prokurorinë pranë Gjykatës së Shkallës së Parë të Juridiksionit të Përgjithshëm Dibër, në periudhën para dhe pas zgjedhjeve;
- c) hetimin dhe ndjekjen penale me përparësi dhe me efikasitet të veprave penale që prekin zgjedhjet e lira dhe sistemin demokratik të zgjedhjeve, si dhe të çdo veprave penale tjetër që dëmton procesin zgjedhor;
- ç) bashkëpunimin e dhe koordinimin me shërbimet e policisë gjyqësore;
- d) mënyrën e sigurimit të informimit në kohë për veprat penale që prekin zgjedhjet e lira dhe sistemin demokratik të zgjedhjeve dhe për veprat e tjera të rënda kriminale të lidhura me to;
- dh) informimin e Komisionit Qendror të Zgjedhjeve (KQZ) dhe informimin e publikut dhe mediave për veprimtarinë e Prokurorisë pranë Gjykatës së Shkallës së Parë të Juridiksionit të Përgjithshëm Dibër lidhur me hetimin e veprave penale në fushën e zgjedhjeve, që nuk çënon sekretin hetimor⁴.

Neni 3 Përkufizime

Në këtë udhëzim, termat/emërtimet kanë kuptimet, si më poshtë:

- a) “Periudhë para dhe pas zgjedhjeve” është periudha që fillon me hapjen e fushatës zgjedhore, vijon me ditën e zgjedhjeve dhe përfundon me shpalljen e rezultatit përfundimtar të zgjedhjeve nga Komisioni Qendror i Zgjedhjeve (KQZ).
- b) “Dita e zgjedhjeve” është data e votimit e caktuar me dekret të Presidentit të Republikës⁵⁶.
- c) “Hapja e fushatës zgjedhore” fillon 30 ditë para datës së zgjedhjeve⁷.

⁴ Shih nenet 103 dhe 279 të Kodit të Procedurës Penale.

⁵ Shih nenin 92, shkronjën “gj”, të Kushtetutës së Republikës së Shqipërisë dhe nenin 2, pikën 1, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

⁶ Me dekretin nr.399, datë 05.12.2024, të Presidentit të Republikës së Shqipërisë, më datë 11.05.2025 zhvillohen zgjedhjet për Kuvendin.

⁷ Shih nenin 77, pikën 1, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

- d) “Rezultati përfundimtar i zgjedhjeve” është rezultati i shpallur nga Komisioni Qendror i Zgjedhjeve (KQZ), në përputhje me dispozitat e ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar⁸.
- dh) “Zgjedhje” janë votimet për Kuvendin, për njësitë e qeverisjes vendore dhe referendimet⁹.
- e) “Zgjedhje të pjesshme” janë votimet për të plotësuar vendin e kryetarit të bashkisë, si dhe për zgjedhjen e një këshilli të ri vendor në rast shpërbërje.
- ë) “KQZ” është Komisioni Qendror i Zgjedhjeve, i cili është organi më i lartë shtetëror i përhershëm, i ngarkuar me administrimin e zgjedhjeve në përputhje me rregullat e përcaktuara në ligjin nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar¹⁰.
- f) “KZAZ” është Komisioni i Zonës së Administrimit Zgjedhor, që ngrihet dhe funksionon në përputhje me ligjin nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar, për zgjedhjet në Kuvendin e Shqipërisë dhe zgjedhjet vendore¹¹.

KREU II

ORGANIZIMI DHE FUNKSIONIMI I SEKSIONEVE TË POSAÇME NË PROKURORI

Neni 4

Krijimi i seksioneve të posaçme të përkohshme

1. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër krijon seksionin e posaçëm kundër krimit zgjedhor me përbërje prokurorë, oficerë të policisë gjyqësore të seksioneve të prokurorisë dhe oficerë të policisë gjyqësore të shërbimeve të Policisë së Shtetit (PSH), i cili do të funksionojë deri më datë 31.05.2025.
2. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër drejton seksionin e posaçëm dhe përgjigjet për hetimin e veprave penale që prekin zgjedhjet e lira dhe sistemin demokratik të zgjedhjeve, të cilat janë në kompetencë të prokurorisë që drejton.
3. Përzgjedhja dhe caktimi i prokurorëve dhe oficerëve të policisë gjyqësore të seksioneve nga Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, si rregull, për aq sa është e mundur, bazohet në kriteret si vijojnë:

⁸ Shih nenin 2, pikën 18, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

⁹ Shih nenin 2, pikën 23, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

¹⁰ Shih nenin 2, pikën 7, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

¹¹ Shih nenin 2, pikën 8, të ligjit nr.10019, datë 29.12.2008 “Kodi Zgjedhor i Republikës së Shqipërisë”, të ndryshuar.

3. Përzgjedhja dhe caktimi i prokurorëve dhe oficerëve të policisë gjyqësore të seksioneve nga Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, si rregull, për aq sa është e mundur, bazohet në kriteret si vijojnë:
 - a) të kenë eksperiencë në punë jo më pak se 4 vjet ose eksperiencën më të gjatë në punë dhe/ose;
 - b) të kenë eksperiencë ose të kenë marrë pjesë në trajnime për veprat penale që prekin zgjedhjet e lira dhe sistemin demokratik të zgjedhjeve;
 - c) nuk mund të jenë pjesë e seksionit personat për të cilët ekzistojnë, ose dalin më pas shkaqe të rëndësishme njëanshmërie si dhe në rastet e parashikuara në nenet 16 dhe 17 të Kodit të Procedurës Penale;
4. Organizimi i shërbimeve të policisë gjyqësore në funksion të caktimit në seksionin e posaçëm, të mbështetur nga grupet operacionale, dhe mbështetja me kapacitete teknike do të bëhet sipas Marrëveshjes së Bashkëpunimit ndërmjet Prokurorisë së Përgjithshme (PP) dhe Drejtorisë së Përgjithshme të Policisë së Shtetit (DPPSH) “Për marrjen e masave efektive kundër krimeve zgjedhore”.
5. Krijimi i seksioneve të posaçme dhe caktimi i prokurorëve kryhet brenda dhjetë ditëve nga hyrja në fuqi e udhëzimit të përgjithshëm të Prokurorit të Përgjithshëm nr.2, datë 18.02.2025 “Mbi masat administrative dhe procedurale në prokuroritë me juridiksion të përgjithshëm në periudhën para dhe pas zgjedhjeve”.

Neni 5

Shpërndarja e çështjeve për ndjekje

1. Prokurorët e seksionit do të vijojnë të ushtrojnë funksionet edhe në seksionin e përhershëm ku janë caktuar.
2. Gjatë periudhës së funksionimit të seksionit të posaçëm, shpërndarja me short e çështjeve që lidhen me krimin zgjedhor do të kryhet vetëm ndërmjet prokurorëve të seksionit të posaçëm, pavarësisht organizimit të gatishmërisë.
3. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, njihet me ngarkesën në hetim të çdo prokurori dhe vlerëson ndryshimin e raportit të ndarjes së çështjeve ose përjashtimin nga shorti të prokurorëve të caktuar pranë seksionit të posaçëm kundër krimit zgjedhor.

KREU III

HETIMET DHE NDJEKJA PENALE

Neni 6

Masat për organizimin dhe funksionimin e gatishmërisë

1. Në Prokurorinë pranë Gjykatës së Shkallës së Parë të Juridiksionit të Përgjithshëm Dibër, Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër merr masat e nevojshme për organizimin dhe funksionimin e shërbimit të gatishmërisë në periudhën para dhe pas zgjedhore, duke dyfishuar numrin e prokurorëve dhe oficerëve të policisë gjyqësore të gatshëm.

2. Prokurorët dhe oficerët e policisë gjyqësore të caktuar në gatishmëri, duhet të garantojnë disponueshmërinë e tyre në çdo kohë për zgjidhjen e çështjeve të ngutshme dhe të jenë të arritshëm në çdo moment nga strukturat e seksioneve dhe/ose shërbimeve të policisë gjyqësore.
3. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër bën publik grafikun e gatishmërisë dhe numrat e kontaktit të vendosur në dispozicion dhe ia njofton Prokurorisë së Përgjithshme (PP) dhe strukturave të shërbimeve të policisë gjyqësore.

Neni 7

Kryerja e hetimeve proaktive

1. Me marrjen dijeni për vepra penale që prekin zgjedhjet e lira dhe sistemin demokratik të zgjedhjeve, prokurori në Prokurorinë pranë Gjykatës së Shkallës së Parë të Juridiksionit të Përgjithshëm Dibër, pasi vlerëson ekzistencën e kushteve/kritereve ligjorë përkatëse, vendos regjistrimin e procedimit penal dhe bashkërendon me agjencitë ligjzbatuese të specializuara për kryerjen e hetimeve proaktive, duke përdorur mjetet e posaçme të hetimit.
2. Prokurori në respektim të procedurës ligjore autorizon ose mbi kërkesën e tij me vendim gjyqësor autorizohet përdorimi i mjeteve të posaçme të hetimit, ashtu dhe nëpërmjet lënies së detyrave oficerëve të policisë gjyqësore dhe kontrollit/mbikëqyrjes të zbatimit të tyre, mundëson, si parandalimin dhe/ose ndërprerjen e mëtejshme të veprimtarisë kriminale, ashtu dhe goditjen/finalizimin me arrestimin në flagrancë apo ndalimin e personave të përfshirë në kryerjen e veprave penale në këtë fushë.

Neni 8

Mbikëqyrja gjatë ecurisë së çështjeve

1. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër¹² në momentin e caktimit të procedimit/çështjes për vlerësim/ndjekje prokurorit përkatës, për veprat penale që prekin zgjedhjet e lira dhe sistemin demokratik të zgjedhjeve, kur e vlerëson të nevojshme për mbarëvajtjen e ecurisë së procedimit/çështjes, nxjerr udhëzim jo të detyrueshëm me shkrim¹³ për prokurorin përkatës, për kryerjen e detyrave specifike për të garantuar një hetim të plotë e të gjithanshëm në kuadrin e një procedimi të drejtë dhe të rregullt ligjor.
2. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër ndjek në dinamikë veprimtarinë e procedimeve për grupveprat penale në fushën e zgjedhjeve, duke kërkuar informacion nga prokurorët për ecurinë e procedimeve dhe verifikuar përfundimin e secilës çështje dhe/ose duke nxjerrë udhëzime me shkrim sipas ligjit në rastet kur vlerësohet e nevojshme kryerja e veprimeve të mëtejshme procedurale

¹² Shih nenin 48, pikën 1, shkronjën “c”, të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

¹³ Shih nenin 43, shkronjat “b”, “c”, “ç” e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar në lidhje me nenin 48 të këtij ligji.

përpara se të merret vendimi mbi mënyrën e përfundimit të hetimeve paraprake nga prokurori¹⁴.

3. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër siguron koordinimin e punës me Prokurorinë e Përgjithshme (PP) dhe Komisionin Qendror të Zgjedhjeve (KQZ), për përmbushjen e detyrimeve ligjore dhe dispozitave të këtij udhëzimi, si dhe për zbatimin e angazhimeve të ndërmarra në Protokollin e Koordinimit ndërmjet Prokurorisë së Përgjithshme (PP) dhe Komisionit Qendror të Zgjedhjeve (KQZ).

Neni 9

Hetimi, ushtrimi i ndjekjes penale, ngritja dhe përfaqësimi i akuzës në gjyq

1. Prokurorët vlerësojnë dhe trajtojnë me prioritet çdo referim apo kallëzim për veprat penale që prekin zgjedhjet e lira dhe sistemin demokratik të zgjedhjeve ose të çdo vepre tjetër penale që dëmton procesin zgjedhor.
2. Pas regjistrimit të procedimit penal, prokurori i delegon oficerëve të policisë gjyqësore kryerjen e veprimeve hetimore të nevojshme, duke përcaktuar afate kohore të përsheptuara për kryerjen e tyre, si dhe të mbikëqyrin në vijimësi zbatimin e urdhërimeve të tyre, deri në përfundim të hetimeve paraprake. Vëmendje e veçantë t'i kushtohet ruajtjes së provave që mund të ndryshojnë ose të humbasin me kalimin e kohës dhe marrjes në kohë të të dhënave nga kallëzuesit dhe personat që kanë dijeni për rrethanat e ngjarjes.
3. Prokurorët të kryejnë me përparësi veprimet proceduriale, për të siguruar: -hetime të plota dhe gjithëpërfshirëse të çështjeve; -ngritjen e akuzës në gjykatë bazuar në rrethanat e faktit të provuara dhe në ligjin material penal e procedural penal të zbatueshëm; -përfaqësimin e akuzës/çështjes në gjykatë me pavarësi, profesionalizëm dhe integritet, duke garantuar mbrojtjen e zgjedhjeve të lira dhe sistemin demokratik të zgjedhjeve, ashtu dhe liritë personale dhe interesat e ligjshme të shtetasve.
4. Prokurorët nxiten të ndjekin një politikë penale rigoroze lidhur me kërkesat për caktimin e masave të sigurimit personal dhe kërkesat për masë dënimi, për veprat penale që prekin zgjedhjet e lira dhe sistemin demokratik të zgjedhjeve ose të çdo vepre tjetër penale që dëmton procesin zgjedhor.

KREU IV BASHKËPUNIMI

Neni 10

Bashkëpunimi me Prokurorinë e Posaçme kundër Korrupsionit dhe Krimit të Organizuar

1. Prokuroria pranë Gjykatës së Shkallës së Parë të Juridiksionit të Përgjithshëm Dibër sigurojnë koordinim të shpejtë dhe efektiv për hetimin e rasteve me Prokurorinë e Posaçme

¹⁴ Shih nenin 48, pikat 3, 4 e vijues të ligjit nr.97, të vitit 2016 "Për organizimin dhe funksionimin e Prokurorisë në Republikën e Shqipërisë", të ndryshuar.

- kundër Korrupsionit dhe Krimit të Organizuar, duke shkëmbyer informacion të plotë, në mënyrë të shpejtë dhe të sigurtë për veprat penale në fushën e zgjedhjeve dhe autorët e tyre.
2. Prokuroria pranë Gjykatës së Shkallës së Parë të Juridiksionit të Përgjithshëm Dibër siguron kalimin dhe/ose tërheqjen e akteve drejt/prej Prokurorisë së Posaçme kundër Korrupsionit dhe Krimit të Organizuar në një kohë sa më të shpejtë dhe duke siguruar efektivitetin dhe vazhdimësinë e hetimeve proaktive në rastet kur gjatë hetimit evidentohen subjekte ose vepra penale për të cilët Prokuroria pranë Gjykatës së Shkallës së Parë të Juridiksionit të Përgjithshëm Dibër nuk ka kompetencë lëndore.
 3. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, me cilësinë e drejtuesit të seksionit, ngarkohet si pikë kontakti me Prokurorinë e Posaçme kundër Korrupsionit dhe Krimit të Organizuar për një komunikim sa më efektiv gjatë periudhës zgjedhore.
 4. Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër organizon zhvillimin e takimeve të përbashkëta për vlerësimin e ecurisë së bashkëpunimit dhe adresimin e çështjeve të nevojshme.

Neni 11

Bashkëpunimi me Policinë e Shtetit (PSH) dhe agjensitë e tjera ligjzbatuese

1. Prokuroria pranë Gjykatës së Shkallës së Parë të Juridiksionit të Përgjithshëm Dibër siguron bashkëpunim dhe koordinim me Policinë e Shtetit (PSH), sipas angazhimeve të marra përsipër në Marrëveshjen e Bashkëpunimit ndërmjet Prokurorisë së Përgjithshme (PP) dhe Drejtorisë së Përgjithshme të Policisë së Shtetit (DPPSH) “Për marrjen e masave efektive kundër krimeve zgjedhore” (aneksi i udhëzimit të përgjithshëm të Prokurorit të Përgjithshëm nr.2, datë 18.02.2025 “Mbi masat administrative dhe procedurale në prokuroritë me juridiksion të përgjithshëm në periudhën para dhe pas zgjedhjeve”).
2. Prokuroria pranë Gjykatës së Shkallës së Parë të Juridiksionit të Përgjithshëm Dibër shkëmben informacione, si me shërbimet e policisë gjyqësore në Drejtorinë Vendore të Policisë (DVP) Dibër dhe/ose Komisariatin vendor përkatës, ashtu dhe me agjencitë e zbatimit të ligjit dhe shërbimet inteligjente, për të marrë dijeni menjëherë për vepra penale që prekin zgjedhjet e lira dhe sistemin demokratik të zgjedhjeve apo për veprat penale të tjera që dëmtojnë procesin zgjedhor, duke garantuar ruajtjen e sekretit hetimor dhe ndalimin e publikimit të akteve sipas ligjit.

Neni 12

Bashkëpunimi me Komisionin Qendror të Zgjedhjeve (KQZ)

1. Prokuroria pranë Gjykatës së Shkallës së Parë të Juridiksionit të Përgjithshëm Dibër bashkëpunon me Komisionin Qendror të Zgjedhjeve (KQZ) apo organizata të tjera në kuadër të fushatave informuese për publikun për të njohur sjelljet që përbëjnë vepra penale në fushën e zgjedhjeve, për të rritur ndërgjegjësimin mbi pasojat ligjore të kryerjes së krimeve zgjedhore dhe rëndësinë e raportimit të tyre.

4. Prokurorët në përputhje me detyrimet procedurale, i njoftojnë Komisionit Qendror të Zgjedhjeve (KQZ) vendimarrjen përkatëse në rastet kur ka bërë kallëzim penal brenda dy ditëve nga marrja e vendimit.

Neni 13

Raportimi periodik në Prokurorinë pranë Gjykatës së Shkallës së Parë të Juridiksionit të Përgjithshëm Dibër dhe informimi i publikut dhe medias

1. Prokurori për marrëdhëniet me publikun, nën mbikëqyrjen e Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Dibër, përpilon raportin 24 (njëzet e katër) orësh për veprimtarinë e të gjithë prokurorëve për veprat penale që prekin zgjedhjet e lira dhe sistemin demokratik të zgjedhjeve dhe për çdo vepër penale tjetër që dëmton procesin zgjedhor.
2. Prokurori për marrëdhëniet me publikun të gjitha informacionet e nevojshme, që nuk çënojnë ruajtjen e sekretit hetimor dhe ndalimin e publikimit të tyre, duhet t'ia dërgojë prokurorit ose personelit të caktuar pranë Drejtorisë së Koordinimit Institucional në Prokurorinë e Përgjithshme, i cili i përditëson dhe i publikon në faqen zyrtare të prokurorisë (www.pp.gov.al).
3. Raporti periodik 24 (njëzet e katër) orësh duhet të përmbajë të dhëna për veprat penale që prekin zgjedhjet e lira dhe sistemin demokratik të zgjedhjeve lidhur me:
 - a) ndalimet e personave me urdhër të prokurorit;
 - b) kërkesat për caktimin e masave të sigurimit personal me karakter shtërngues “Arresti në burg”, parashikuar nga neni 238 i Kodit të Procedurës Penale;
 - c) numrin e akuzave të ngritura dhe kërkesat për dërgimin e çështjes në gjyq;
 - ç) njoftime për kërkesat e prokurorëve në gjykatë dhe vendimet përkatëse gjyqësore që evidentojnë arritjet/rezultatet e prokurorisë;
 - d) raste e përcaktuara në nenin 8 pika 4 të këtij udhëzimi dhe rastet e tjera që vlerësohen se janë me interes për publikun.
4. Prokurori për marrëdhëniet me publikun harton raportin mujor bazuar në raportet periodike 24 (njëzet e katër) orëshe, për treguesit më sipër për këto grupvepra penale.
5. Me referimin nga policia gjyqësore në prokurori të veprave penale që prekin zgjedhjet e lira dhe sistemin demokratik të zgjedhjeve, në momentin që prokurori urdhëron regjistrimin e procedimit penal, policia gjyqësore ndërpret çdo komunikim me publikun dhe mediat për të dhënat në atë referim, pa pëlqimin e prokurorit të çështjes dhe/ose prokurorit për marrëdhëniet me publikun.

Neni 14

Bashkëpunimin me publikun

Prokuroria pranë Gjykatës së Shkallës së Parë të Juridiksionit të Përgjithshëm Dibër merr çdo masë të nevojshme për ndalimin e aksesit në regjistra dhe akte dhe garantimin e mbrojtjes maksimale të konfidencialitetit apo çdo mbrojtje tjetër të nevojshme në përputhje me situatën, të çdo shtetasi që kallëzon një vepër penale në fushën e zgjedhjeve ose që lidhet me to.

KREU V
PËRGJEGJËSIA DISIPLINORE, ZBATIMI, MBIKËQYRJA, SHFUQIZIME,
HYRJA NË FUQI DHE PUBLIKIMI

Neni 15

Shkeljet dhe përgjegjësia disiplinore

Shkelja e dispozitave ligjore referuese në këtë udhëzim të përgjithshëm dhe/ose moszbatimi i detyrimeve të përcaktuara në këtë udhëzim, kur nuk përbëjnë vepër penale, mund të përbëjnë shkelje disiplinore sipas ligjit¹⁵ dhe/ose shkak për nisjen e verifikimeve nga Sektori i Monitorimit në Drejtorinë e Koordinimit Institucionale në Prokurorinë e Përgjithshme ndaj oficerit të policisë gjyqësore dhe/ose prokurorit të Prokurorisë pranë Gjykatës së Shkallës së Parë të Juridiksionit të Përgjithshëm Dibër, sipas ligjit.

Neni 16

Zbatimi dhe mbikëqyrja

Ky udhëzim i përgjithshëm është i detyrueshëm për zbatim nga prokurorët, oficerët e policisë gjyqësore të seksioneve në Prokurorinë pranë Gjykatës së Shkallës së Parë të Juridiksionit të Përgjithshëm Dibër dhe shërbimeve të policisë gjyqësore në Policinë e Shtetit (PSH)¹⁶.

Neni 17

Shfuqizime

Shfuqizohet çdo akt tjetër për pjesën që bie në kundërshtim me këtë udhëzim të përgjithshëm.

Neni 18

Hyrja në fuqi dhe publikimi

Ky udhëzim i përgjithshëm hyn në fuqi menjëherë pas nënshkrimit dhe depozitimit në sekretari dhe publikohet në faqen e internetit të Prokurorisë pranë Gjykatës së Shkallës së Parë të Juridiksionit të Përgjithshëm Dibër.

DREJTUESI

ABAZ MUÇA

¹⁵ Shih nenin 101, pikën 1, shkronjat “a” e “b” dhe nenin 102, pikën 1, shkronjat “ç”, “d”, “dh”, “ë”, “g”, “j”, “l”, “ll” e “nj” dhe pikën 2, shkronjat “a”, “b”, “c”, “ç”, “d”, “dh” e vijues të ligjit nr.96, të vitit 2016 “Për statusin e gjyqtarëve dhe prokurorëve në Republikën e Shqipërisë”, të ndryshuar.

¹⁶ Shih nenet 6, pikën 2 dhe 46 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.